

Treystum velferðina

Yfirskrift 1. maí aðgerða 2007

Staðreyndir sýna að samfélög sem byggja á velferðarhugsjón verkalýðshreyfingarinnar hafa skapað íbúum sínum mesta almenna velferð og lífsgæði meðal þjóða heims.

Norræn velferðarsamfélög hafa þannig verið meðal þeirra þjóða sem eru best búin undir framtíðina og þá samkeppni sem fylgir hnattvæðingunni, bæði þeim áskorunum og tækifærum sem henni fylgja.

Niðurstaðan er því skýr. Samfélög sem byggja á öflugum og virku velferðarkerfi, góðri menntun fyrir alla, jöfnuði og jafnrétti og traustum réttindum launafólks er sá grunnur sem byggja þarf á til að takast á við og nýta þau tækifæri sem hnattvæðingin gefur. Velferðin borgar sig, sama hvernig á það er litið.

Verkalýðshreyfingin hefur í starfi sínu á undanförunum árum lagt mikla áherslu á að treysta stöðir velferðarkerfisins. Um leið er markmiðið að búa íslenskt samfélag, vinnumarkað og launafólk undir framtíðina.

Margt hefur áunnist með starfi verkalýðshreyfingarinnar.

- Löggjöf og samninga sem styrkja íslenskan vinnumarkað almennt, réttindi og stöðu launafólks, einkum innflytjenda og samskipti og samstarf aðila vinnumarkaðarinnar og stjórnvalda.
- Samninga og löggjöf sem treysta velferðarkerfið á vinnumarkaði. Hér ber hæst lög um fæðingar- og foreldraorlof og nýleg lög um atvinnuleysisstryggingar. Einnig má nefna samninga um auknar greiðslur til að treysta lífeyrisréttindi, bæði örorku- og ellilífeyris.
- Samninga og löggjöf um virkar vinnumarkaðsaðgerðir. Sú framsækna hugsun sem þar kemur fram skapa mikilvægan grundvöll til að byggja á. Þá hefur endur- og eftirmenntun launafólks tekið stórstíguum framförum á síðustu árum um leið og verkalýðshreyfingunni hefur tekist að tryggja aukna fjármuni og allt starf orðið markvissara. Nú síðast náðist mikilvægur áfangi varðandi íslenskunám fyrir útlendinga.
- Með markvissri launastefnu (og sérstakri áherslu á hækkun lægstu launa) hefur sá árangur náðst að kaupmáttur launa hefur vaxið samfelld undanfarið ár.

Þrátt fyrir að margt hafi áunnist með starfi verkalýðshreyfingarinnar er ljóst að enn skortir mikil á að velferðarkerfið tryggi öllum þau lífsgæði sem við gerum kröfur til. Treysta þarf frekar kjör og réttindi á vinnumarkaði. Gera verður stórátaki til að treysta stöðu þeirra tugþúsunda á vinnumarkaði sem hafa litla formlega menntun, með raunfærnimati, náms- og starfsráðgjöf og sérstöku menntunarátaki. Bæta þarf aðstæður foreldra til að samræma atvinnuþátttöku og fjölskylduábyrgð og tryggja að börn búi ekki við fátækt. Bæta þarf kjör og aðstæður öryrkja og eldri borgara.

Alþýðusamband Íslands hefur einsett sér að byggja á þeim árangri sem náðst hefur og gera enn betur. Forsenda þess er að hér takist að koma aftur á jafnvægi og stöðugleika í efnahagsmálum. Farsæl og varanleg niðurstaða kallar á samstarf og nána samvinnu samtaka launafólks, samtaka atvinnurekenda og stjórnvalda um langtímasýn um samþætta stefnu í efnahags-, atvinnu-, félags- og umhverfismálum.